

QVÆSTIO MEDICA

CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS XXIII. MARTII.

M. FRANCISCO GVENAVT, Doctore Medico Præside.

An influcto externis partibus magno vulnere internarum succedit abscessus.

1053

VVLNVS partis, quæ telum recepit, eximio vsu, aut eadem, qua diuisa est, fœdus dehiscite, magnum haberi solet; graue verò & dubio vitæ discrimine metuendum propter multiplices, qui subnascuntur affectus. Ferè enim luculentæ plagæ infinita vis & interminata est, neque angusto recentis vulneris sinu tam sese coërcet, quin vsque permanet ad alias partes, quæ cum vulnerata societate aliqua coniunctæ sunt. Verùm aliter alia partes afficiuntur, neque omnes à vulnere eisdem morbos rependunt. Internarum vt operis, sic morborum maior communitas, distitas quoque & extrinsecus iacentes comprehendit sæpè fundi calamitas, aliàs contra, quicquid mali inclusum est foris intro remeantibus causis natum fuit. Neque enim inuisum & vsu medendi infrequens, externo corpori illato magno vulnere plurimos morbos intro refundi, atque huc inde regeſta materie abscessum passâ viscera conuersos laborantis naturæ motus testata sunt, qua quidem fauciatam partem diutius pertractata, res noxiæ ibi subsistunt, aut eo recurrunt, vnde æquum erat procul abigi.

VIS omnis siue oblata, siue intestina generandi abscessus non levis causa est. Hæc siquidem quouis ab humore ingruat, siue ille antea diffusus mox impetu factò in vnâ partem sese receperit, siue sensim aceruat accersita putredine efferuescat, par vtrobique & penè ineluctabilis abscessus necessitas dum intiram occupatæ partis molem distrahit humor diuellitque, & quæ laxiora ipse sibi fecit loca alienus implet. Quæ vero extrinsecus incidunt latè obtritis, & discissis partibus, præterquam si quid intus querelatum est & vitii, id ipsum renouant, hoc habet externa vis, vt animum percellat à corpore, sulque deque agendis sanguine & spiritibus abditas partes subito infarctu obstruat, & temerario decubitu ita prægauet, vt vix demum in illis liberè emicante calore, ipso penè sub ictu, & viris crudo Marte calentibus, prima sæpè duxerit abscessus rudimenta, quæ solemnibus vulneratorum symptomatis, dolore, insomnia, febre, suppurato prouecta & amplificata consummat fracta & vlcis fœditate & longinquitate fatiscientis naturæ imbecillitas: sed multo magis propter eas quas indidem aptas & suspensas habet sanies liberaliter aut secus effluendi rationes. Nam siue intro illa recurrat, siue eo visa ab vlcere refluxisse, quia interius subſtiterit & vulneris atque agrotantis pro ratione & modo parcius effluat, certo abscessum in internis partibus paritura est.

EXTERNARVM partium amplo ex vulnere internarum abscessu iugnendo & augendo multum conferunt illarum mutæ accipiendi & reddendi humoris vices, quæ nusquam manifestius, quàm in vulneratis, declarantur infensa vi siue imminente siue hostili iam mandata manu. Quam variè distrahitur animus, tam vario impetu & tam multiplicem interioris corporis in cladem fertur referturque sanguis, tantaque illius turba quocumque pacto confederit, acrius diuque jactatus sanguis, & concidente æstu etiamnum præferuidus vas vix contineri potest, ille adeo venarum claustra cum effregerit, aut eundem vberius arterijs effundentibus, nam ita à natura & instantis affectus casu comparatæ sunt, si quam in partem confluat & incidat haud ignaua eo spargit abscessuræ putredinis semina, quibus sensim viscerum aliquo in secessu adultis, & altera vtriusque partis labe ab altera auſcente, iustum capeſſit abscessus incrementum. Interim obligatur vulnus, & quæ prima debentur faucis parti, adhibentur remedia, quibus ex voto atque ex arte succedentibus, nihilo magis securo esse medico liceat. Etenim immatura inter sanitatis gaudia incauto ægro febris obrepit initio leuior, demum verò eadem circuitus multiplicante & instabilis horroris frequenti accessu & recessu aliisque latentis abscessus signis inclusa splendet putredo, & sæpè plusquam vno viscere contenta, quæ nunquam eo progressura fuisset, nisi accepta extrinsecus plaga conceptum viscerum virus accendisset. Internis enim partibus multifariam infesta est externa parti influcti vis vulneris, vlcis cruciatu suppresso vel reſcente tabo nonnunquam malignæ auræ afflatu. Quin ipsa vulneratæ partis imbecillitas interni abscessus plurimis causa fuit vulnere etiam cicatrice obducto.

ABCESSVS ex omni humore fit, qui ab omni parte in omnem corruatur; nam præter conspicuos sensibus ductus vias natura inuenit innumeras vltro citroque deferendis humoribus patientes, quibus extremi corporis ora relicta abditiorem in sedem sese vindicant. Ergo siue denuò succensa pars reuolutum humorem resorbeat, siue ipse cæco æstu retro rapidus feratur, quàm in angina, pleuritide, eryſipellate, & congeneribus morbis, tam in magno externarum partium vulnere facilis & funesta palindrome. Tunc depressa areſcentis vulneris labia aut aliquando præproperam cicatricem ducentia humorem alio deflexisse significant. Ille verò parti, quamcumque afflixerit, certam cum abscessu perniciem intentat; quam prudens medicus cum misſo sanguine catharticis mitioribus, nonnunquam mochlicis, declinare iubet, satis innuit quantum abscessui generando externa partes aduersus internas valeant.

PLVRIMI à magno vulnere oriuntur morbi, & diuerſa ratione sibi inuicem succedentes, alii statim ab ipſo vulnere latius manant, & congenerum ac vicinarum partium propriis ſtipati ſymptomatis inclinata naturæ incumbunt: sic cerebro altius imposito vulnere numeroſa grauiorum ſymptomatum ſoboles erumpit, quæ cita morte ægros opprimit, leuioribus eiſdem partis plagæ accipiuntur pari nonnunquam exitio, inferarum verò partium abscessu plerumque funestæ ſunt. Alij morbi vt vulneris magnitudini ſuccedanei, ſic propter partisignobilitatem lenius ſcuiunt, & occulto transfuſa labe ſemotas partes attingunt ita, vt ſyſtrophicos in illis affectus pariant & abscessuum genus omne. His verò morbis progignendis atque propagandis præſtat externarum partium plaga, cuius vis, tamenſi idem non poteſt apud omnes, tamen idoneam complexa ægri naturam & conſentientem abdita alicuius partis intemperiem, tantum valet commouendo aut intro conuertendo humori, excitanda quæ latebat ante aut quæ iam inchoata erat conſummanda putredine, vt quicquid labis ex proprio aut alieno errore interna partes contraxerint, in pus & abscessum faceſcere neceſſe ſit.

Ergo influcto externis partibus magno vulnere internarum succedit abscessus.

F.H.P.

493

Proponebat Lutetiæ FRANCISCVS BOVIONIER Parisinus A.R.S.H. M. DC. LVI.